

6. november 2009

UKA2009/92

**Meeqqat atuarfiat pillugu Inatsisartut peqqussutaata allanngortinneqarnera
pillugu Inatsisartut peqqussutaat nr. xx,xx. Xx2009-imeersoq pillugu
siunnersuut**

**(Perorsaanermut aamma tarnip pissusaanut tunngasunik siunnersuinerup
kommuninut suliassanngortinneqarnera)**

Pillugu

**Kultureqarnermut, Ilanniartitaanermut, Ilisimatusarnermut Ilageeqarnermullu
ataatsimiititaliap**

ISUMALIUTISSISSIONAA

**Aalajangiiffigissassatut siunnersuutip aappassaaneerneqarnissaanini
saqqummiunneqartoq**

Kultureqarnermut, Ilanniartitaanermut, Ilisimatusarnermut Ilageeqarnermullu
ataatsimiititaliaq suliarinninnermini ukuninnga inuttaqarpoq:

Juliane Henningsen, Inuit Ataqatigiit
Harald Bianco, Inuit Ataqatigiit
Andreas Uldum, Demokraatit
Malik Berthelsen, Siumut
Naja Petersen, Atassut

UKA2009-i ulloq 7. oktober 2009 Kultureqarnermut, ilanniartitaanermut,
Ilisimatusarnermut Ilageeqarnermullu ataatsimiititaliaq siunnersummik
misissuataarinnippoq.

Siunnersuutip imarisai

Suleqatigiissitap KANUKOKA-mit kiisalu Kultureqarnermut, Ilanniartitaanermut,
Ilisimatusarnermut Ilageeqarnermullu Naalakkersuisoqarfimmit inuttaqartup

innersuussutigivaa, perorsaanermut aamma tarnip pissusaanut tunngasunik siunnersuinerup (PPR) kommuninut tunniunneqarnissaat. Aaqqissusseqqinnermut ataatsimiititaliap isumaliutissiisutaanut atatillugu PPR-ip kommuninut tunniussinissamik innersuussineranut atatillugu suleqatigiissitaq pilersinneqarpoq.

Siunnersuut Inatsisartunit akuersissutigineqarpat tamatuma PPR-ip kommuninut tunniunneqarnissaanik kinguneqassaaq. Taamaattorli maluginiarneqassaaq atuutsitsilernissamut piffissaliisoqarsimannginnera siunnersummi takuneqarsinnaanngimmat. Tamanna kingusinnerusukkut peqqussutissap nalunaarutigineqarnerani pisinnaassaaq. Piffissaliisoqarsimannginneranut pissutaavoq ataatsimut tapiissutit pillugit isumaqatigiinniarnerit Namminersorlutik Oqartussat kommunillu akornanni suli naammassineqarsimanngimmata.

Inatsisartut siunnersummik suliarinninnerat

suliassaqarfimmik tunniussinissaq Nunatta karsianut aningaasatuuteqarnerunermik kinguneqaateqanngitsumik pisinnaanissa **Inuit Ataqatigiit** qulartoqartippaat. Taamaattorli suliassaqarfiup Namminersorlutik Oqartussanit kommuninut nuunneqarnissa pillugu siunnersummut Inuit Ataqatigiit tapersiipput innersuusutigalugulu, tunniussinermut atatillugu aningaasaqarnikkut ajornartorsiutaasinnaasunut ataatsimiititaliaq upalungaarsimassasoq.

Ullumikkut meeqqat atuartinneqarnerannut kommunit akisussaafimmik tigummereermata PPR-imut akisussaaffik kommuninut nuunneqarnissa pisusissamisoortutut **Siumumit** isigineqarpoq. Aammattaaq tunniussineq ingerlaannartumik pissanngitsoq Siumumit taperserneqarpoq.

kommunit PPR-imik tigusinissaat **Demokraatit** akornutissaqartinngilaat. Taamaattorli tunniussinerup kingorna PPR-ip sullissinermini qaffasissusaa pillugu malitseqartitsisoqassasoq Demokraatinit piumasarineqarpoq tassami tunniussinerup kingunerisaanik sullissinerup appariaateqarnissa Demokraatinit akuersaarneqarsinnaanngimmat.

PPR-ip kommuninut tunniunneqarnissa **Atassutip** taperserpaa. Tunniussinerli tunngavigalugu kommunit aningaasaqarnikkut artukkerneqannginnissat ilutigalugu erseqqissarlugu.

Kattusseqatigiit Partiata siunnersuut ataatsimut isigalugu tapersersorpaat atuutilernissaanulli piffissaliussap kommuninut tapiissutit pillugit isumaqatiginninniarnerit utaqqimaarneqarnissaat pitsaasutut isigalugu.

Ataatsimiititaliap siunnersummik suliarinninnera

Siunnersummik atuutilersitsinissaq isumaliutissiisummik tunniussinermi pisinnaammat, kommuninut tapiissutit pillugit Namminersorlutik Oqartussat

kommunillu isumaqatigiinniarnerata utaqqimaarneqarnerat ataatsimiititaliamit maluginiarneqarpoq. Taamatut periuseqarnermut una tunngavilersuutigineqarpoq:

"Naalakkersuisut pingaartippaat aaqqissuussaanermut ataatsimiititaliap kajumissaataa malillugu Inatsisartut inatsisitigut tunngavissaqalernissaat, tassalu PPR_ip kommuninut suliassannortinnejarnissaa. Atuutsilernissamut piffissamik aalajangiisinnaanerup periarfissaqalersippaa isumaqatigiissusiortoqarsinnaanera kommunillu pitsaanerusumik suliassanngortitsinerup tigunissaanut piareersarsinnaanerat".

Aaqqissuussaanermut ataatsimiititaliap innersuussutaasa inatsitigut aalajangersarneqarnissaanik Naalakkersuisut kissaateqarnerat ataatsimiititaliap paasisinnaavaa. Siunnersummili aningaasaqarnikkut sinaakkutissanik ilisimasaqannginneq ataatsimiititaliap sulineranut atatillugu naammaginnangitsutut isigalugu. Maannakkulli aningaasaqarnikkut sinaakkusissat iluini siunnersuutip piviusunngortinnejarnissaanera pillugu Naalakkersuisut naliliisimanerat ataatsimiititaliamit taamaattoq ilisimaneqarpoq. Tamanna tunuliaqtutaralugu siunnersummik akuersissutiginnineq Namminersorlutik Oqartussanut aningaasartuuteqarnerulersitsissanngitsoq ataatsimiititaliamit naatsorsuutigineqarluinnarpoq.

Siunnersuut Inatsisartunit tamanit tapersorsorneqartoq ataatsimiititaliap maluginiarpaa. Aammattaaq siunnersuut ataatsimiititaliamit tapersorsorneqarpoq. PPR-ip kommuninut tunniunnejarnnerani kommunit suliniutaanni meeraq qitiutinnejarnnerulernissaanik kinguneqassasoq ataatsimiititaliaq Naalakkersuisutullu isumaqarpoq.

Tunniussinerup kingunerisaanik PPR-ip suliaasa pitsaassusaasa apparinnejannginnissaata qulakkeerneqarnissaat pillugu PPR-imik kommuninut tunniussinerup nalilernejarnissaanik Demokraatit siunnersuutaat ataatsimiititaliamit pitsaasutut isigineqarpoq. Taamaattumik Naalakkersuisut isumaliutissiissummut akissumminni oqaaseqaatiminna tassunga tapersiinissaanik ataatsimiititaliap qinnuigissavai.

Aammattaaq PPR-ip kommuninut tunniunnejarnneranut atatillugu suliat pilligit, matumani aningaasaqarnermut tunngasortai ilanngullugit ingerlaavartumik ilisimatinnnejartarnissamik ataatsimiititaliaq qinnuteqarpoq.

Ataatsimiititaliap inassuteqaataa

Ataatsimiititaliap isumaqatigiittup siunnersuut oqaaseqaatitalik akuersissutigineqartussatut inassutiga.

Taama oqaaseqarluni Ataatsimiititaliap siunnersuut aappassaaniigassanngortippaa.

Juliane Henningsen
Siulittaasoq

Harald Bianco
Siulittaasup tullia

Andreas Uldum

Malik Berthelsen

Naja Petersen